



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

111. An Episcopatus Coloniensis fuerit tempore Pipini Herstalli
Archiepiscopatus.

urn:nbn:de:hbz:466:1-10958

DISSERTATIO CXL.

AN Episcopatus Coloniensis fuerit tempore Pipini Herstalli Archiepiscopatus.

SVperius Marcellinus Annonem, Agilolphum, intitulavit Archiepiscopos Colonienses. Me de Apographe illâ cogitantem non nunquam incessit dubitatio num eo sæculo Colonienses fuerint Archiepiscopi, an solum simplices Episcopi. Solum Episcopos, non Archiepiscopos fuisse menti infedit, primum motiuum est; quod à scriptoribus sexti & septimi æui solum intitulantur Episcopi, non Archiepiscopi, cum tamen subinde locus postulet, verbi gratia in Epistola S. Bonifacij ad Stephanum Papam exarata à nobis ad dissertatio. 76. Sic in litteris Zachariæ Pontificis ad Episcopos Galliæ & Germaniæ Bonifacij commendatijs datis anno 748. secundum Baronium, Agilolphus Episcopus, & quidem post undecim enumeratos, quos constat Archiepiscopos non fuisse, penultimus in ordine est. Contra dignitatem reuerentiamque Archiepiscopalem & contra rectum stylum foret inter alios simplices Episcopos vltimo pæne loco Archiepiscopum scribi. Exstat Epistola apud Baronium ad dictum annû & Tomo 3. Conciliorum par. 1. sect. 1.

Secundum motiuum, Subiectio Ecclesiæ Coloniensis sub Moguntinâ tanquam Metropolitanâ à Pontifice (Zachariâ qui sedit ab anno 741. vsque in annum 752.) instituta. Cum enim Francorum Proceres peroptarent ordinari aliquam Ecclesiam Metropolitanam fixam & stabilem

lem & Archiepiscopum Cardinalem qui ad successores eam dignitatem transmitteret, & deliberatio inter eos orta esset quâ in Germaniæ vrbe sedes locanda esset: tandem propenderunt Principes, propendit Bonifacius, propenderunt & alij omnes in Moguntiam. Cognita horum propensione & ratione, id ipsum approbat, ordinat, & confirmat diploma Zacharias Pontifex: *De eo, quod suggestisti, quia elegerunt unam civitatem omnes Francorum Principes, pertingentem usque ad paganorum fines, & in partes Germanicarum gentium ubi antea predicasti, quatenus ibi sedem Metropolitanam perpetuo tempore habere debeas, & inde ceteros Episcopos ad vitam instruere rectitudinis, & postmodum tui successores perpetuo iure possideant; hoc quia decraverunt, nos leti suscepimus, cò quòd ex DEI NVTV FACTVM EST.* Et in alia epistola eodem lib. 2. cap. 15. cum enumerasset breuiter Pontifex, quæ in Germania fuissent ad illud usque tempus bene à S. Bonifacio facta, subiungit: *Dum in his pjs operibus occupata esset sanctitas tua, nunc usque (Cardinalem, ut Hincmar. intelligit) Cathedralis sedem sibi minimè vendicauit. At ubi Deus predicationem tuam auxit, obtinere voluisti ut tibi Episcopalem Ecclesiam, vel successoribus tuis confirmare debeamus, iuxta eorundem filiorum nostrorum petitionem. Et idcirco auctoritate B. PETRI Apostoli sancimus, ut supradicta Ecclesia Moguntia, perpetuis temporibus, tibi, successoribus tuis in Metropolim sit confirmata, habens sub se has civitates, id est, Tungris, Coloniã, Wormatiam, Spiratiam, & Trechtis, & omnes Germania gentes, quas tua fraternitas, per suam predicationem, CHRISTI lumen cognoscere fecit. Lege Othlonum lib. 1. vitæ Bonif. cap. 44. & lib. 2. cap. 8. & 15. Hincmarum epist. 6. cap. 19. N. Serarium in notis ad Othlonum.*

Dices, S. Bonifacius non erat simpliciter Archiepiscopus, sed primas Germaniæ ac generalis Apostolicæ Ecclesiæ

clerici Legatus, qua propter non mirum quod illi etiam Archiepiscopi subijcerentur.

Ref. Zachariam non tam respicere ad personam Bonifacii quam ad Ecclesiam Moguntinam: nec eleuare aut confirmare Bonifacium in Archiepiscopum, qui iam dudum ea dignitate gaudebat, verum ipsammet Ecclesiam Moguntinam, ei subijciens Tungros, Coloniam &c. Nec alijs essentialibus verbis vtuntur Pontifices dum aliquam Ecclesiam in Archiantisticam stabiliunt aut erigunt quã quibus modo Zacharias. Quod autem Primate Legatumque egerit Bonifacius, nil obstat quo minus simul egerit verum & specialem Archiepiscopum Moguntinum. Quinimò Hincmarus epist. citatâ cap. 20. declarat ita S. Bonifacium Archiep. Moguntinum stabilitum, vt tamen perpetuus legatus Romani Pontificis remaneret. Id ipsum non obscure significat Othlonus lib. vitæ cap. 12. Quare ex allegatis iudico Annonem & Agilolphum in Marcellini historia non recte inscribi Archiepiscopos Colonienses.

Quo verò tempore Archiepiscopatus honorem adierit Colonia, mihi non liquet: melius forsan dicerent hoc nobis annales Colonienses. Ego ex ratione suspicor sub Caroli Magni imperio, dum multiplicato inter propinquos Saxones fidelium numero noui ab eo sunt Episcopatus erecti, Mindensis, Osnaburgensis, Monasteriensis, qui Coloniensi vt pote viciniore, veluti suffraganei sunt attributi, sicuti hodie eidem tanquam Metropolitanæ subsunt. Atqui hæc in nullum præiudicium aut dehonestamentum V. & illustris Ecclesiæ Coloniensis, cui ter magnus honor est à suscepta fide eandem cum Episcopali Cathedra ultra mille annos inter varias procellas non interruptè & illibatè conseruasse.